

¡BOMBA!

Es mexicana y morisca,
judoca harto talentosa;
porta olímpica orgullosa,
la plata de Santa Prisca



K'uintsil

Miércoles 31 de julio de 2024

CAMPECHE · YUCATÁN · QUINTANA ROO · AÑO 10 · NÚMERO 2288 · www.lajornadamaya.mx

Ts'o'ok u yantal kex 108 u túul kimeno'ob úuchik u yáalkab luuk' tu lu'umil India



Maanal 100 máako'ob sa'at u kuxtal úuchik u niikil luuk' yóok'olal seten cháak k'áax tu noojolil India, beey chiikpaj ti' túumben k'a'aytaj jts'a'ab k'ajóoltbil le martes máanika' tumen u jo'olpópilo'ob le kaajo'.

U múuch'il áantajo'obe' béeychaj u yáantiko'ob 250 máako'ob jmu'uk ka'ach tumen le luuk'o', kex k'as talamchajij tumen láayli' táan u k'áaxal cháak ts'o'oke' lelo' ma' táan u

cha'ak u k'a'abéetkunsal u beijlo'ob Wayanad, kaaj tu'ux maas ila'ab u talamil.

"Le k'asil ba'ax j-úucha' tu kiinsaj 108 máako'ob", a'alab ti' k'a'aytajil ts'iib tumen u ministroil Kerala, Pinarayi Vijayan. Ka'ache' chéen xoka'an 93 kimeno'ob.

"Tu kúuchilo'ob ts'akyaje' táan u ts'aatáanta'al 128 máako'ob (...) Jump'eel ti' u jach k'aasil ba'alo'ob ucha'an ti' knoj lu'um", tu ya'alaj.

Oochelo'ob jts'a'ab k'ajóoltbil tumen Fuerza Nacional de Respuesta ante Desastres ku chiikbesik áantaj máako'ob ka'alikil u kaxtiko'ob wa yaan máax láayli' kuxa'an tu yáam le luuk'o'.

Ejércitoe' tu k'a'aytaj maanal 200 u túul ajk'atuno'ob táan u meyajo'ob te'elo', ti'al u béeytal u yáanta'al máak. Ichil uláak' ba'ax a'alab tumen u pikil ju'unil The Hindu, maanal 250 máako'ob béeychaj u jóok'sa'al ichil le luuk'o'.

Afp
Oochel Reuters